

- g) dokaz o rezultatima udruženja u oblasti u kojoj je proglašeno od značaja (na primjer: broj registrovanih članova, plasman na tablici, učešće na državnim i međunarodnim takmičenjima, festivalima, smotrama, uspjesi i nagrade, aktivnosti na promociji volontizma, timskog rada, kulturno-umjetničkog amaterizma i Općine i slično),
  - h) prijedlog projekta za finansiranje/sufinansiranje u skladu sa članom 4. Pravilnika, sa detaljnom specifikacijom troškova,
  - i) potvrda poslovne banke da račun nije blokiran iz koje se vidi broj transakcijskog računa - ne starija od tri mjeseca od dana objave javnog poziva.
- (2) Dokumentacija iz stava (1) podnosi se u originalu ili ovjerenoj kopiji na starijoj od 6 mjeseci.
- (3) Provjera ispunjavanja uslova iz člana 5. stav (7) ovog Pravilnika izvršit će se službenim putem.

## Član 8.

(Komisija za odabir korisnika i postupak odabira korisnika)

- (1) Komisiju za odabir korisnika, imenuje općinska načelnica, na prijedlog nadležne Službe (u daljem tekstu Komisija).
- (2) Komisija se sastoji od tri člana i jednog zamjenskog člana, koji su uposlenici Općine Novo Sarajevo.
- (3) Služba za obrazovanje, kulturu i sport, pruža svu neophodnu administrativno tehničku-podršku radu Komisije.
- (4) Komisija je zadužena da zaprimi i pregleda sve prijave, utvrdi ispunjenost propisanih uslova i predloži iznose sredstava koji se dodjeljuju korisnicima koji su ispunili sve uslove.
- (5) Prijave kandidata koje ne ispunjavaju sve formalne uslove iz javnog poziva ili koje se ne odnose na aktivnosti koje će biti finansirane neće biti uzete u razmatranje.
- (6) Komisija obavještava kandidate koji nisu ispunili uslove javnog poziva o razlozima nerazmatranje njihove prijave. Na ovu obavijest Komisije moguće je uložiti prigovor općinskoj načelnici u roku od 5 (pet) dana od dana prijema obavijesti.
- (7) Prijedlog za finansiranje koji je utvrdila Komisija, Komisija dostavlja svim podnosiocima prijave, uz mogućnost ulaganja prigovora općinskoj načelnici, u roku od 5 (pet) dana, od dana zaprimanja obavijesti.
- (8) Po konačnosti prijedloga za finansiranje općinska načelnica donosi zaključak o odobravanju isplate sredstava.

**IV - OBAVEZE KORISNIKA SREDSTAVA**

## Član 9.

(Pravdanje utroška dodijeljenih sredstava)

- (1) Sa korisnicima sredstava kojima su dodijeljena sredstva iz člana 4. sklopit će se ugovor o namjenskom utrošku sredstava i isti su dužni u roku od 30 dana od okončanja aktivnosti, a ne kasnije od 15. decembra tekuće godine dostaviti narativni i finansijski izvještaj o utrošku dodijeljenih sredstava, sa pratećom finansijskom dokumentacijom. Prihvataju se troškovi koji su nastali u periodu od 01.01. do 31.12. tekuće budžetske godine.
- (2) Korisnik sredstava koji ne opravda dodijeljena sredstva, obavezan je ista vratiti i nema pravo ponovnog apliciranja naredne godine.

**V - PRIJELAZNE I ZAVRŠNE ODREDBE**

## Član 10.

(Stupanje Pravilnika na snagu)

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 16-11-3-1532/25

Općinska načelnica

14. februara 2025. godine

Prof. dr. **Benjamina Karić**, s. r.

Na osnovu člana 14. i člana 15. stav (1) tačka b) Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 48. stav (4) Zakona o sportu ("Službene novine Kantona Sarajevo", broj 45/12 - Prečišćeni tekst i 36/21), člana 50. stav (1) tačka 5. i člana 146. stav (2) Statuta Općine Novo Sarajevo - Prečišćeni tekst ("Službene novine Kantona Sarajevo", broj 5/20 i 20/20 - ispravka), člana 4. Odluke o određivanju iznosa sredstava u Budžetu Općine Novo Sarajevo za oblast sporta i za oblast kulturno-sportskih manifestacija ("Službene novine KS", broj 46/22), općinska načelnica donosi

**PRAVILNIK****O USLOVIMA, KRITERIJIMA I NAČINU DODJELE SREDSTAVA ZA OBLAST VRHUNSKOG TIMSKOG SPORTA NA PODRUČJU OPĆINE NOVO SARAJEVO****I - OPĆE ODREDBE**

## Član 1.

(Predmet Pravilnika)

Ovim Pravilnikom utvrđuju se uslovi, kriteriji i način dodjele sredstava planiranih u Budžetu Općine Novo Sarajevo za pružanje finansijske podrške vrhunskom timskom sportu, s ciljem afirmacije ove oblasti sporta i postizanja vrhunskih rezultata.

## Član 2.

(Definicija vrhunskog timskog sporta)

Vrhunski timski sport u smislu ovog Pravilnika podrazumijeva sportske aktivnosti klubova koje obuhvataju pripremu i takmičenje ekipa koje na europskom nivou ostvaruju vrhunske rezultate.

## Član 3.

(Finansijska sredstva)

Sredstva za finansiranje vrhunskog timskog sporta osiguravaju se u Budžetu Općine Novo Sarajevo u skladu sa finansijskim mogućnostima Općine.

## Član 4.

(Korisnici sredstava)

Pravo na dodjelu sredstava imaju sportska udruženja pod sljedećim uslovima:

- a) da im je osnovna registrovana djelatnost timski sport,
- b) da su registrovana kod nadležnog ministarstva pravde u Bosni i Hercegovini,
- c) da imaju registrovano sjedište na području općine,
- d) da primarno svoje aktivnosti realizuju na području općine,
- e) da su se takmičili ili da su plasirani na zvaničnim takmičenjima (ligama) na europskom nivou.

## Član 5.

(Vrste troškova koji se finansiraju)

Dodijeljena sredstva koristit će se za sufinansiranje aktivnosti sportskih udruženja i to:

- a) plaćanje troškova održavanja sportskog terena ili sportskog borilišta,
- b) plaćanje putnih troškova sportskih ekipa i pratećeg osoblja u državi i u inostranstvu,
- c) plaćanje troškova ishrane sportskih ekipa i pratećeg osoblja u državi i u inostranstvu,
- d) plaćanje troškova sportskih priprema,
- e) plaćanje troškova administrativnog osoblja i administrativnih usluga,
- f) nabavka sportske opreme,
- g) plaćanje troškova podrške talentovanim sportistima koji su slabijeg imovinskog stanja, a koji su prepoznati kao potencijalni vrhunski timski sportisti,
- h) ostali troškove koji su neophodni za rad sportskog udruženja (režijski troškovi i slično).

**II - KRITERIJI ZA DODJELU SREDSTAVA**

## Član 6.

(Raspored i visina sredstava)

- (1) Raspored sredstava iz člana 3., ovog Pravilnika, vršit će se na osnovu sljedećih kriterija:
  - a) broj članova sportskog udruženja: do 1000 - 5 bodova, preko 1000 - 20 bodova.
  - b) dužina trajanja (tradicije) sportskog udruženja: do 30 godina - 5 bodova, preko 30 godina - 20 bodova.
  - c) vlasništvo vlastitog sportskog terena ili sportskog borilišta: ne - 0 bodova, vlasništvo - 30 bodova.
  - d) ostvareni rezultati u posljednje tri godine na europskom nivou, ne - 0 bodova, učešće u europskim takmičenjima - 30 bodova.
- (2) Ukupan iznos raspoloživih budžetskih sredstava dijeli se proporcionalno broju ostvarenih bodova i to prema sljedećoj formuli:
 
$$\text{Dodjeljena sredstva} = \frac{\text{Broj osvojenih bodova X raspoloživa budžetska sredstva}}{\text{Ukupan broj bodova svih prijava}}$$
- (3) Pravo na dodjelu sredstava ostvaruju samo oni sportski klubovi, koji su opravdali dodijeljena budžetska sredstva od strane Općine Novo Sarajevo u prethodnoj godini i koji uredno izmiruju obaveze prema pravnim licima čiji je osnivač Općina Novo Sarajevo.

**III - POSTUPAK DODJELE SREDSTAVA**

## Član 7.

(Javni poziv)

- (1) Postupak dodjele sredstava provodi se putem javnog poziva, koji raspisuje općinska načelnica, a koji se objavljuje na službenoj web stranici Općine Novo Sarajevo i ostaje otvoren 30 dana od dana objave.
- (2) Javni poziv obavezno sadrži:
  - a) predmet,
  - b) maksimalnu visinu sredstva koju jedan korisnik može ostvariti,
  - c) potrebna dokumentacija,
  - d) način prijave na javni poziv,
  - e) način odabira korisnika,
  - f) obavještanje prijavljenih korisnika.

## Član 8.

(Potrebna dokumentacija za prijavu na javni poziv)

- (1) Prijava na javni poziv obavezno se podnosi u pisanoj formi, putem protokola Općine Novo Sarajevo i sadrži:
  - a) aktuelni izvod iz registra nadležnog organa u kojem je registriran podnosilac prijave, ne stariji od 6 mjeseci,
  - b) uvjerenje o poreznoj registraciji podnosioca projekta (identifikacijski broj),
  - c) uvjerenje o poreznoj registraciji indirektnih poreza (ukoliko je korisnik u sistemu PDV-a),
  - d) uvjerenje o izmirenim poreskim obavezama ili sporazum o odgođenom plaćanju ili plaćanju u ratama dužnih javnih prihoda, ne starije, odnosno ne stariji od tri mjeseca od dana objavljivanja javnog poziva,
  - e) dokaz o vlasništvu sportskog terena ili sportskog borilišta,
  - f) dokaz o broju članova udruženja,
  - g) dokaz o ostvarenim rezultatima u posljednje tri godine na europskom nivou,
  - h) dokaz o takmičenjima ili plasmanu na takmičenje (lige) na europskom nivou,

- i) potvrda saveza da je osnovna registrovana djelatnost timski sport,
  - j) potvrda poslovne banke da račun nije blokiran iz koje se vidi broj transakcijskog računa - ne starija od tri (3) mjeseca od dana objave javnog poziva,
  - k) prijedlog projekta za finansiranje/sufinansiranje koji sadrži aktivnosti usmjerene na pripremu i takmičenje ekipe, s ciljem afirmacije vrhunskog sporta sa detaljnom specifikacijom troškova u skladu sa članom 4. Pravilnika.
- (2) Dokumentacija iz stava (1) podnosi se u originalu ili ovjerenoj kopiji na starijoj od 6 mjeseci.
  - (3) Provjera ispunjavanja uslova iz člana 6. stav (3) ovog Pravilnika izvršit će se službenim putem.

## Član 9.

(Komisija za odabir korisnika i postupak odabira korisnika)

- (1) Komisiju za odabir korisnika, imenuje općinska načelnica, na prijedlog nadležne Službe (u daljem tekstu Komisija).
- (2) Komisija se sastoji od tri člana i jednog zamjenskog člana, koji su uposlenici Općine Novo Sarajevo.
- (3) Služba za obrazovanje, kulturu i sport, pruža svu neophodnu administrativno tehničku podršku radu Komisije.
- (4) Komisija je zadužena da zaprimi i pregleda sve prijave, utvrdi ispunjenost propisanih uslova i predloži iznose sredstava koji se dodjeljuju korisnicima koji su ispunili sve uslove.
- (5) Prijave kandidata koje ne ispunjavaju sve formalne uslove iz javnog poziva neće biti finansirane neće biti uzete u razmatranje.
- (6) Komisija obavještava kandidate koji nisu ispunili uslove javnog poziva o razlozima nerazmatranje njihove prijave. Na ovu obavijest Komisije moguće je uložiti prigovor općinskoj načelnici u roku od 5 (pet) dana od dana prijema obavijesti.
- (7) Prijedlog za finansiranje koji je utvrdila Komisija, Komisija dostavlja svim podnosiocima prijave, uz mogućnost ulaganja prigovora općinskoj načelnici, u roku od 5 (pet) dana, od dana zaprimanja obavijesti.
- (8) Po konačnosti prijedloga za finansiranje općinska načelnica donosi zaključak o odobravanju isplate sredstava.

**IV - OBAVEZE KORISNIKA SREDSTAVA**

## Član 10.

(Pravdanje utroška dodijeljenih sredstava)

- (1) Sa korisnicima sredstava kojima su dodijeljena sredstva iz člana 4. sklopit će se ugovor o namjenskom utrošku sredstava i isti su dužni u roku od 30 dana od okončanja aktivnosti, a ne kasnije od 15. decembra tekuće godine dostaviti narativni i finansijski izvještaj o utrošku dodijeljenih sredstava, sa pratećom finansijskom dokumentacijom. Prihvataju se troškovi koji su nastali u periodu od 01.01. do 31.12. tekuće budžetske godine.
- (2) Korisnik sredstava koji ne opravda dodijeljena sredstva, obavezan je ista vratiti i nema pravo ponovnog apliciranja na javni poziv naredne godine.

**V - PRIJELAZNE I ZAVRŠNE ODREDBE**

## Član 11.

(Stupanje Pravilnika na snagu)

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 16-11-3-1537/25

Općinska načelnica

14. februara 2025. godine

Prof. dr. **Benamina Karić**, s. r.

Na osnovu člana 14. i člana 15. stav (1) tačka b) Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 50.

stav (1) tačka e) Statuta Općine Novo Sarajevo ("Službene novine Kantona Sarajevo", broj 5/20 - Prečišćeni tekst i 20/20 - Ispravka), člana 4. Odluke o određivanju iznosa sredstava u budžetu Općine Novo Sarajevo za oblast sporta i za oblast kulturno-sportskih manifestacija ("Službene novine Kantona Sarajevo", broj 46/22), općinska načelnica donosi

**PRAVILNIK  
O USLOVIMA I NAČINU DODJELE SREDSTAVA IZ  
BUDŽETA OPĆINE NOVO SARAJEVO ZA OBLAST  
SPORTA**

Član 1.  
(Predmet)

Ovim Pravilnikom uređuju se uslovi i način dodjele sredstava iz Budžeta Općine Novo Sarajevo za oblast sporta, a u skladu sa članom 1. Odluke o određivanju iznosa sredstava u budžetu Općine Novo Sarajevo za oblast sporta i za oblast kulturno-sportskih manifestacija.

Član 2.  
(Definicije)

Oblast sporta u smislu ovog Pravilnika podrazumijeva pružanje podrške pravnim licima iz oblasti sporta u svim sportskim disciplinama, sa ciljem popularizacije sporta i razvijanja zdravih stilova života među mladima, aktivnog uključivanja građana u bavljenje sportom i postizanja što boljih sportskih rezultata.

Član 3.  
(Finansijska sredstva za oblast sporta)

Sredstva za finansijsku podršku za oblast sporta osiguravaju se u Budžetu Općine Novo Sarajevo u skladu sa Odlukom o određivanju iznosa sredstava u budžetu Općine Novo Sarajevo za oblast sporta i za oblast kulturno-sportskih manifestacija i realizuju se pod uslovima i na način propisan ovim Pravilnikom, ali i Odlukom o načinu odabira i praćenju realizacije projekata nevladinih/neprofitnih organizacija po LOD metodologiji ("Službene novine Kantona Sarajevo", broj 49/15 i 6/20), te posebnim pravilnicima općinske načelnice kojima se regulišu uslovi i način dodjele sredstava u oblasti: afirmacije vrhunskog sporta, afirmacije omladinskog i amaterskog sporta, pružanja podrške projektima, programima, manifestacijama udruženja i ustanova, sufinansiranja članarine sportskih klubova sa područja općine Novo Sarajevo, kao i putem sporazuma sa JP "ONSA" d.o.o. Sarajevo i JU Međunarodni centar za djecu i omladinu Novo Sarajevo, realizacijom općinskih manifestacija, školskih sportskih takmičenja, kao i putem svih drugih budžetskih pozicija planiranih u Budžetu Općine Novo Sarajevo za oblast sporta i za oblast kulturno-sportskih manifestacija.

Član 4.  
(Vrste troškova koji se finansiraju)

Dodijeljena sredstva koristit će se za sufinansiranje aktivnosti sportskih udruženja i to:

- a) troškovi pripreme za takmičenja (trening),
- b) troškovi učešća na takmičenjima (putovanje, smještaj, kotizacija),
- c) troškovi lica koja obučavaju (pripremaju) sportiste,
- d) troškovi sudaca i službenih osoba,
- e) troškovi nabavke opreme,
- f) troškovi članarina strukovnog saveza,
- g) troškovi amortizacija i ostali materijalni troškovi,
- h) troškovi rada klubova u redovnom sistemu takmičenja.

Član 5.  
(Korisnici sredstava)

- (1) Korisnici finansijske podrške za oblast sporta mogu biti:
  - a) sportski klubovi sa područja Općine Novo Sarajevo, koji se takmiče na međunarodnom, državnom ili entitetskom nivou,

- b) reprezentativne i olimpijske selekcije/takmičari Bosne i Hercegovine koje se takmiče na međunarodnom nivou, a imaju sjedište na Kantonu Sarajevo.

Član 6.

(Uslovi za dodjelu sredstava)

- (1) Uslovi koje korisnici iz člana 5. stav (1) tačka a) ovog Pravilnika, trebaju ispuniti, su sljedeći:
  - a) da su registrovani u Bosni i Hercegovini,
  - b) da imaju sjedište na području općine Novo Sarajevo,
  - c) da su se takmičili minimalno tri posljednje takmičarske sezone, odnosno dvije kalendarske godine na međunarodnom ili državnom,
  - d) da posjeduju potvrdu nadležnog Saveza za navedeno pod tačkom c).
- (2) Uslovi koje korisnici iz člana 5. stav (1) tačka b) ovog Pravilnika, trebaju ispuniti, su sljedeći:
  - a) da imaju status reprezentativne/olimpijske selekcije/takmičara Bosne i Hercegovine,
  - b) da se takmiče na međunarodnom nivou,
  - c) da imaju sjedište na Kantonu Sarajevo.
- (3) Pravo na dodjelu sredstava ostvaruju samo ona pravna lica iz oblasti sporta, koja su opravdala dodijeljena budžetska sredstva od strane Općine Novo Sarajevo u prethodnoj godini i koja uredno izmiruju obaveze prema pravnim licima čiji je osnivač Općina Novo Sarajevo.

Član 7.

(Iznos sredstava koji može biti dodijeljen i kriteriji za raspodjelu sredstava)

- (1) Maksimalan iznos sredstava koji jedan korisnik može dobiti iznosi 25.000,00 KM.
- (2) Planirana sredstva u budžetu se raspoređuju na sljedeći način:
  - a) Sredstva u iznosu do 25.000,00 KM mogu ostvariti korisnici:
    - čija je registrovana aktivnost olimpijski sport,
    - ukoliko za konkretnu oblast sporta postoji jedinstveni strukovni savez na nivou države, koji se takmiče u liga sistemu takmičenja (ekipni sport),
    - koji se takmiče u prvom, drugom i/ili trećem stepenu takmičenja (pojedinačni sport),
    - koji imaju organizovan rad sa mladim kategorijama uključenim u sistem takmičenja u najmanje dva starosna uzrasta,
    - koji imaju minimum 50 registrovanih sportista.
  - b) Sredstva u iznosu do 15.000,00 KM mogu ostvariti korisnici:
    - koji na području države aktivno okupljaju najmanje 15 klubova,
    - koji djeluju u grani sporta u kojoj je takmičenje organizovano u najmanje dva stepena,
    - čija kategorija sporta pripada bazičnim sportovima (atletika, gimnastika, plivanje),
    - koji imaju minimum 40 registrovanih sportista.
  - c) Sredstva u iznosu do 10.000,00 KM mogu ostvariti korisnici:
    - iz oblasti takmičarskog sporta u seniorskoj konkurenciji, koji su članice Sportskog saveza.
  - d) Sredstva u iznosu do 5.000,00 KM mogu ostvariti korisnici:
    - klubovi koji nisu svrstani u prvu, drugu i treću kategoriju, kao npr. sportske organizacije, druga udruženja građana, rekreativci u oblasti sporta, društva pedagoga tjelesnog odgoja, udruženja trenera, sudaca i slično.